

Na osnovu člana 48. Statuta Udruženja poslodavaca u FBiH i Statuta o Izmjenama i dopuna Statuta broj: I-019/15 Upravni odbor UPFBiH na svojoj 31. proširenoj sjednici održanoj 06.10.2015. godine u Tuzli donosi:

ODLUKU

o osnivanju Grupacije poslodavaca za područje Tuzlanskog Kantona pri Udruženju poslodavaca u Federaciji Bosne i Hercegovine

Član 1.

U cilju unaprjeđenja rada, zastupanja i zaštite interesa članica te zaključivanja kolektivnih ugovora na teritoriji Tuzlanskog Kantona formirat će se Grupacija poslodavaca Tuzlanskog kantona pri Udruženju poslodavaca FBiH (u daljem tekstu: Grupacija) kao oblik dobrovoljnog udruživanja članova Udruženja poslodavaca u Federaciji BiH.

Član 2.

Osnovni ciljevi grupacije su:

- predstavljanje i zastupanje interesa članova u odnosima sa sindikatima i predstavnicima vlasti na nivou kantona;
- kolektivno pregovaranje, te sudjelovanje u sklapanju kolektivnih ugovora kojima se uređuju pitanja iz radnih odnosa i u vezi s radnim odnosima na području kantona;
- zastupanje članova Grupacije u ESV-u na nivou kantona;
- praćenje i izučavanje privrednih tokova u Kantonu,
- unaprjeđenje zajedničkog tržišnog i poslovnog nastupanja;
- ostvarivanje suradnje sa institucijama na području kantona i zastupanje interesa članova Grupacije u oblasti ekonomske, porezne i politike zapošljavanja;
- uključivanje u postupke donošenja zakonskih i podzakonskih akata za područje kantona;
- kao i druge aktivnosti od značaja za rad članica Grupacije.

Član 3.

Radi ostvarenja ciljeva iz prethodnog stava Grupacija će obavljati sljedeće djelatnosti:

- Kolektivno pregovaranje na području Kantona,
- Predlaganje neophodnih zakonskih, socijalnih i administrativnih mjera,
- Zastupanje članstva u ESV-ima,
- Davanje savjeta o privrednim problemima nadležnim organima vlasti kao i članovima Udruženja, na svoju inicijativu ili po zahtjevu,
- Obavlja i druge djelatnosti u skladu sa ciljevima Grupacije, koje su u skladu sa Statutom Udruženja i ovim Poslovníkom.

Član 4.

Skupština Grupacije donosi Poslovnik o organizaciji i radu Grupacije kojim će se regulisati: ciljevi, djelatnost, naziv i sjedište, članstvo, organizacija, organi, način izbora tijela, odlučivanje, finansiranje i druga pitanja značajna za rad Grupacije.

Za donošenje novog ili promjenu postojećeg Poslovnika, Skupština Grupacije mora zatražiti saglasnost Udruženja poslodavaca FBiH.

Član 5.

Finansijska sredstva potrebna za rad Grupacije i njenih tijela osiguravaju se iz članarine Udruženja u okviru njegovog godišnjeg Finansijskog plana, koji usvaja Skupština UPFBiH.

Član 6.

Sjedište Grupacije je u Tuzli.

Udruženje za potrebe rada Grupacije može otvoriti ured u Kantonu.

Odluku o otvaranja ureda donosi Upravni odbor Udruženja poslodavaca u FBiH.

Član 7.

Obavezuje se Upravni odbor Grupacije da najmanje jednom u tri mjeseca podnosi izvještaj o svom radu Udruženju poslodavaca u FBiH.

Obavezuje se Grupacija da zaključke, stavove, zapisnike i Odluke svih organa Grupacije dostavlja Udruženju poslodavaca u FBiH.

Član 8.

Ova Odluka stupa na snagu danom donošenja.


PREDSJEDNIK UPRAVNOG ODBORA
SARAJEVO
mr.sc. Čengić Safudin